

Saksprotokoll i Formannskapet - 21.11.2018

Handsaming:

Leiv Rygg (SP) kom med fylgjande tilleggsframlegg: Investeringar "uteareal Bygland oppvekstsenter" vert flytt frå 2020 og 2021 til 2019 og 2020 med 800 000,- kvart år.

Røysting: Vedteken mot 2 røyster(H/V og BB)

Røysting over innstillinga med tilleggsframlegg: Samrøystes

Vedtak:

1. 1.1 Framlegg til innstilling – årsbudsjett 2019

Framlegg til årsbudsjett for Bygland kommune for 2019 med tilleggsframlegg, med tilhøyrande føresetnader vert å fastsette som Bygland kommune sitt årsbudsjett for 2019.

Skattesatsar/marginavsetning

Skatten for 2019 på formue og inntekt vert å fastsette til dei maksimalsatsar som Stortinget vedtek.

For eigedomsskatteåret 2019 skal det skrivast ut eigedomsskatt på kraftverk og kraftnett jf. Eigedomsskattelova § 3 1. ledd bokstav c. For 2019 vil kommunen og skrive ut eigedomsskatt på det som tidligare var definert som verk og bruk jf. overgangsreglane til den nye eigedomsskattelova. Eigedomsskatten vert fastsatt til 7 ‰.

Kommunale avgifter og betalingssatsar

For 2019 vert det følgjande endringar av kommunale avgifter og betalingssatsar:

Bygland kommune legg opp til 100 % dekningsgrad på kommunale avgifter, med unntak av årsavgift på kloakk.

-	Årsavgift for vatn (fast og kubikkavg.).....	vert auka med 3,3 %
-	Årsavgift for kloakk (fast og kubikkavg.)...	vert auka med 3,3 %
-	Slamavgift.....	vert auka med 0 %
-	Tilkoplingsavgift for vatn.....	vert auka med 3,3 %
•	Tilkoplingsavgift for kloakk.....	vert auka med 3,3 %
•	Renovasjonsavgift hus.....	vert auka med 0 %
•	Renovasjonsavgift hytte.....	vert auka med 0 %
•	Feieavgift.....	vert auka med 0 %

Andre betalingssatsar aukar i samsvar med framlegg til gebyrregulativ 2019.

Låneopptak

Det vert lagt opp til eit finansieringsbehov ved lån/ubrukte lånemidlar til investering på 34,7 millionar i 2019. Kommunen forventar ei utbetaling av resterande spelemiddelfinansiering på 4 mill., som er knytt opp mot bygging av idrettshallen på Bygland. Dette er mellombels finansiert med lån, slik at inntekta inngår som finansiering av årets investeringar. Før ein tek opp nytt lån, vert ubrukte lånemidlar frå året før nytta. Det vert ikkje søkt om å ta opp startlån i 2019.

Andre forhold

1. Rådmannen får fullmakt til å fordele løyving til følgjande føremål ut på den einskilde resultateining:
 - Løyving til lønsauke og auka pensjonsutgifter.
 - Løyving til opplærings- og utviklingstiltak samt velferdsmidlar.
2. Rådmannen får fullmakt til naudsynte tiltak for å gjennomføre vedtaket om minsteavdrag.
3. Rådmannen får fullmakt til å bruke av, og avsette midlar til einingsfond.
4. Rådmannen får fullmakt til å gjennomføre strykningar dersom driftsrekneskapet vert gjort opp med underskot.
5. Rådmannen får fullmakt til å prioritere finansiering av investeringsrekneskapet innanfor budsjett.
6. Rådmannen vert gjeven fullmakt til å fordele kostnadar mellom det ordinære næringsfondet og avkastninga frå Byglandsfjordfondet.

Generelt

Kommunestyret vil presisere at budsjettet er bindande. For den einkilde resultateining gjeld reglane om delegert budsjettmynde innanfor netto driftsramme. Utover dette viser ein til kommunen sitt økonomireglement.

I budsjettet er det teke atterhald om storleiken på auken i utgiftene til IKS og A/S der kommunen er deltakar. Dette skal samordnast på rådmannsnivå og i Setesdal Regionråd før endeleg løyving vert fastsett. Budsjettert overføring til Setesdal Regionråd er under føresetnad at alle deltakarkommunane er samde om deltakarstøtta.

1. 1.2 Framlegg til innstilling – økonomiplan 2019-2022

1. Økonomiplan for perioden 2019-2022 vert å vedta i samsvar med rådmannen sitt framlegg.
2. Driftsrammer og investeringsrammer i økonomiplanen for perioden 2019-2022 vert lagt til grunn for planlegginga av den kommunale drifta.
3. Enkelt saker med økonomiske konsekvensar som kjem opp i løpet av året, skal som hovudregel ikkje handsamast som enkelt saker, men skal handsamast i samband med økonomiplan/budsjett.